

Adresseinformasjon fylles inn ved ekspedering. Se mottakerliste nedenfor.

Vår dato: 27.03.2023

Vår ref.: 202304847-4 Oppgi ved kontakt

Dykkar ref.:

Randi Holme 99 21 51 22/

rho@nve.no

Avgrensa høyring av detaljplan for miljø og landskap - Sørbrandal kraftverk - rehabilitering av dam Børevatn - Vanylven kommune

I brev datert 17.03.2023 mottok Noregs vassdrags- og energidirektorat (NVE) detaljplan for miljø og landskap frå Tussa Energi AS for rehabilitering av dam Børevatn ved Sørbrandal kraftverk i Vanylven kommune. Vi sender detaljplanen på høyring, og vi ber om at merknader til planen vert sendt til NVE seinast innan 27.04.2023.

Konsesjonen ligg fast

Løyve til å bygge Sørbrandal kraftverk vart gitt i kgl.res datert 07.06.1953, jf. kgl. res. datert 27.03.1998. Konsesjonen ligg til grunn for denne høyringa og sjølv konsesjonsspørsmålet er difor ikkje gjenstand for ny høyring.

Korleis følgjer NVE opp detaljplanen for miljø og landskap?

Detaljplanen for miljø og landskap som er lagt fram skildrar korleis det er planlagt å bygge det konsesjonsgitte anlegget. Bygging av anlegget er underlagt offentlig tilsyn. Det er NVE som utøver tilsynet og jf. post 15 i konsesjonen skal vi godkjenne detaljerte planar for miljø og landskap før arbeida tek til. Vi kontrollerer at arbeida skjer i samsvar med konsesjonsvilkår, godkjende planar, og at anleggsområda vert rydda forsvarleg opp og sett i stand.

Kva ønskjer vi tilbakemelding på frå høyringspartane?

Tiltaket der er søkt om er pålagt av NVE. Bakgrunnen er at dam Børevatn ikkje stettar krava i forskrift om damtryggleik. Vi sender plan for landskap og miljø på avgrensa høyring for å hente inn oppdatert kunnskap om tiltaksområdet.

Vi ønskjer følgjande tilbakemelding frå høyringspartane på vedlagd plan for miljø og landskap:

Vanylven kommune: Opplysningar om areala sin status i kommuneplanen sin arealdel. I detaljplanen er det opplyst at arealbruken som er planlagt for å etablere steinbrotet delvis råkar eit område som har status som *omsynsområde landskap*. Vi ber om at dette vert kommentert særskilt. Vi ber og om andre opplysningar som er relevante i saka.



Statsforvaltaren i Møre og Romsdal: Oppdatert kunnskap om trua og sårbare artar i området der tiltaket skal gjennomførast. Vi viser til miljøkartlegginga som er lagt ved planen, og vurderingar som er gjort i detaljplanen. Vi ber og om andre opplysningar som er relevante i saka.

Møre og Romsdal fylkeskommune: Opplysningar om eventuelle kulturminne i tilknytning til planområdet. I detaljplanen er der opplyst at fylkeskommunen vert kontakta av konsesjonæren for å avklare om det er nødvendig meir ytterlegare undersøkingar. Vi ber om at de held NVE orientert om dette. Vi ber og om andre opplysningar som er relevante for saka.

Direktoratet for mineralforvaltning: Det er planlagt å etablere eit steinbrot for uttak av om lag 16 000 m³ fast masse. Vi er orienterte om at det vert sendt eigen søknad om driftskonsesjon etter minerallova. Vi ber om at de held oss orienterte om sakshandsaming av søknaden.

Konsesjonæren har ansvar for å avklare privatrettslege forhold med dei som har rettar i området, og for å innhente nødvendige løyve etter anna lovverk før arbeida tek til.

Forholdet til plan- og bygningslova

Vassdragsanlegg med konsesjon etter vassdragslovgjevinga er med heimel i forskrift om byggesak § 4.3 unnatekne frå byggesakshandsaming etter plan- og bygningslova. Detaljplanen for miljø og landskap skal vere avklart i forhold til kommuneplanen sin arealdel eller gjeldande reguleringsplanar. Vi gjer merksam på at vilkåret for å gi dispensasjon alltid vil vere til stades for tiltak som har konsesjon etter vassressurslova, vassdragsreguleringslova eller energilova, jf. lovkommentar til plandelen av plan- og bygningslova, revidert utgåve 2022.

Frist for fråsegn:

Detaljplanen for miljø og landskap finn de her: www.nve.no/205/V

Vi ber om at fråsegn til detaljplanen vert sendt til NVE, uttalelse@nve.no innan **27.04.2023**. Merk fråsegna med «Fråsegn» og saksnummer 202304847 i emnefeltet.

Som del av handsaminga vår vert fråsegnene, eller deler av dei, refererte i utgåande brev. Dersom ho er lang er det ein fordel at det vert utarbeidd eit samandrag som kan brukast til dette. Av same grunn ønskjer vi teksten elektronisk. Fråsegner er offentleg dokument, og sentrale saksdokument vert lagt ut på nettsidene våre.

Med helsing

Mari Hegg Gundersen
seksjonssjef

Randi Holme
senioringeniør



Dokumentet sendes utan underskrift. Det er godkjent etter interne rutinar

Mottakarliste:

STATSFORVALTAREN I MØRE OG ROMSDAL

Møre og Romsdal fylkeskommune

Direktoratet for mineralforvaltning med Bergmesteren for Svalbard

Vanylven kommune

MILJØDIREKTORATET

Kopimottakarliste:

TUSSA ENERGI AS

TUSSA ENERGI AS - Anders Nupen